

ያኑሲ ዓሶሶ ሲና ሃውሻሢር ኔኤኮ ናሹማ ጳኤፒ ዋዛና ደዲዋዋ ታኣም ሲንገኔ።

ጳውሎሴኮ ዓናሲሞሴ ዛሎ ፕላጥና ያኑጨያ

8 ዬያር ኔኤኒ ማዳንዳጉዲ ኮይሳ ባኮ ማዳንዳጉዲ ኪሪሰቶሴና ጫርቂ ታ ኔና ዓይሣንዳያታ፡፡ 9 ኔና ዓይሢያይዳፓ ናሹሞና ታ ኔና ሸኢቃኔ፤ ታኣኒ ኪሪሰቶሴ ዛሎ ጌሰታያና ሃሢ ሲዛ ዛሎ ቱኡቲ ዓኣ፡ ታኣኒ ጳውሎሴ፡፡ 10 ቱኡዞ ማኣራ ዓኣ፡ ዓያናና ታ ሸዔ ዓናሲሞሴ ዛሎኬ ታ ኔና ሸኢቃሢ፤ 11 ዓናሲሞሴ ሃያኮ ቤርታ ኔና ማኣዲዋያኬ፤ ሃሢ ጋዓንቴ ኔናንታ ታናንታም ማኣዳያ ማዔኔ፤

12 ሃኣዛጌ፤ ሲዛ ኔ ባንሢ ማሂ ታ ዳኬኔ፤ ታኣኮ ሲ ሸምፓሢታንቴኬ ታ ኔኤም ሲዛ ዳኬሢ። 13 ኮዦ ሃይሶ ዛሎና ታ ሃካ ቱኡቲ ዓኣንቴ ኔጉዲ ማሲ ሲዚ ታኣም ማዳኒ ታኣና ዋላ ዓኣቴ ኮሸታንቴኬ፤ 14 ጋዓንቴ ኔ ታኣም ማዳ ኮዦ ማዳ ዋልቁናቱዋንቴ ናሹሞና ኔ ማዳያ ማዓንዳጉዲ ኔና ያኦጩዋያ ዓይጎ ባኣዚያ ማዳኒ ታ ኮይባኣሴ።

15 ዓናሲሞሴ ሃይማ ሄላንዳኣና ዳካ ዋዴ ኔገዳፓ ዲማዴሢ ገንሣ ኔ ሲዛ ዔኬም ጎያንቴ ሃይፓ ሴካ ቢያ ዋዴ ኔኤና ናንጋንዳጉዲ ናንዳኔ። 16 ዓካሪ ሃይፓ ሴካ ሲ ኔኤና ዋላ ናንጋንዳሢ ካራሚ ማሲቱዋንቴ ካራሚፓ ዑሣ፡ ናሽኪንታ ጌርሲጉዲ ማሲኬ፤ ሲዛ ታ ናሽካያ ታኣኮ ጌርሲኬ፤ ማዔቲያ ሲዚ ማዳና ኔና ማኣዳንዳሢርና ኪሪሰቶሴ ሱንያና ጌርሲ ኔኤኮ ማዔሢር ኔኤኮ ባሽ ሲ ናሽኪንታ ላጌ ማዓንዳኔ።

17 ኔ ታና ኪሪሰቶሴ ዛሎና ላጌ ማሂ ዛጋያታቲ ሃሢ ኔ ታና ቦንቺ ዔካሢጉዲ ሲዛኣ ዔኬ። 18 ሲ ኔኤም ዳሴ ባኣዚና ባይዜ ባኣዚ ኔኤኮ ዓኣቴ ሲዛ ጋሎ ታ ዑፃ ማሄ፤ 19 ታኣኒ፡ ጳውሎሴ፡- «ሲዛኮ ጋሎ ጨጋንዳኔ» ጌሲ ታ ኩቻ ታ ፃኣፔ። ኔኤኒያ ኔ ቶኦኪና ታኣር ማዔሢ ታ ኔኤም ኬኤዛንዳያ ኮይሱዋሴ። 20 ዓካሪ ታ ሲሻሢያ! ታ ኮዓ ባኮ ኔ ታኣም ማዳንዳጉዲ ታ ኮዓኔ፤ ሃዳራ ኪሪሰቶሴር ጌሲ ታኣኮ ሲኖ ሃውሸሴ።

21 ሃያ ታ ኔኤም ፃኣፔሢ ኔ ታኣም ዋይዛንዳሢ ጉሙርቂሢናኬ፤ ታ ኔኤም ጋዓሢዳፓ ዑሣ ኔ ታኣም ማዳንዳሢያ ታ ዔራኔ። 22 ያኑሲ ሲንሢኮ ሸኢጲያ ዋይዚ፡ ታኣኒ ሲንሢ ኮይላ ሙካንዳጉዲ ታና ማሃንዳኔ ጌይ ሃገ ማዓንዳ ዋዛ ታ ጌሣሢር ታኣኒ ሃውሻንዳ ማኣሪ ታኣም ኮዔ።

1:10 10 ቆላ. 4:9።

ጋፒንያ ሳራሢያ

²³ ዬሱስ ኪሪስቶስ ዛሎሮ ታኣና ዎላ ቱኡቲ ዓኣ፥ ዔጳፒራ «ኮሺዳ?» ዒንሢ ጋዓኔ፤ ²⁴ ዬያጉዲ ታኣና ዎላ ማዲ ማርቆስ፥ ዓሪስጂሮኮስ፥ ዳማሴንታ ሉቃሴንታ ዒንሢ «ኮሺዳ?» ጋዓኔ።

²⁵ ጎዳ ዬሱስ ኪሪስቶስኮ ኮሹሞ ዒንጊፃ ዒንሢ ቢያሢሞ ማግኅ።

1:23 23 ቆላ. 1:7፤ 4:12። **1:24** 24 ዳኪ. ማዶ 12:12፤25፤ 13:13፤ 15:37-39፤ 19:29፤ 27:2፤ ቆላ. 4:10፤14፤ 2፻፵. 4:10፤11።

ጌሌዢ ማጻፋት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዢ ማጻፋት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929